

江蘇府縣志輯

中國地方志集成

丹徒縣志(一)

# 中國地方志集成

江蘇府縣志輯 ②⑨

光緒丹徒縣志(一)

江蘇古籍出版社 ● 上海書店 ● 巴蜀書社

責任編輯 薛飛  
封面設計 范一辛

中國地方志集成

江蘇府縣志輯②

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

定價 二二七元

1991年6月第1版 1991年6月第1次印刷

ISBN 7-80519-243-X / K·123



光緒丹徒縣志(一)



(清)

何紹章

修

(清)

呂耀斗等

纂

丹徒縣志序

渡大江而南則鎮江府當其衝鎮江府之領縣四而丹徒縣為之甲其地形勢雄峻川原既塞上則控引荆襄下則屏蔽吳會誠東南鎖鑰也

國家特設滿洲營駐防其地領以副都統豈非以其為南北往來之夷庚所

丹徒縣志序

繫尤重哉往者粵逆之亂賊蹤併擾江介無堅城獨丹徒一隅支柱烽火戎馬之間雖備經蹂躪猶得以孤軍轉戰與海上師相犄角遂以蕩定烟霞屠公迅奏其得地利如此自甲子至今又十餘年所兵休養生息元氣漸甦前撫軍丁公有江蘇通志之

請檄下郡縣具新志備采葦光緒戊

寅丹徒以業來上并徵序於余夫郡

邑之有志猶國之有史也史者一代

之事迹自禮樂制度以及政治得失

人才盛衰觀之可以衡鑒而取資志

者一邑之掌故凡疆域山川民風物

產固入境者所必知即鄉黨賢達官

丹徒縣志序

師治蹟以及藝科疇行陳迹故居按

籍以求非志莫屬況咸同之際京口

士卒扼賊咽喉聯南北軍為一遂以

旋軋轉坤佐

中興不世偉業後之言兵事者藉以鏡治

忽之微作忠義之氣然則斯志也豈

僅為朱方舊邑鐵甕古城徵文考獻

云爾哉丹徒舊志訖於乾隆相距雖  
未百載中經兵燹人文散落網羅放  
失編纂為難諸君子之為是書當必  
求其信今而傳後之人取而證曰  
某、當法某、當戒見於斯志不誣  
也如是庶於人心風俗不無少裨矣  
乎是為序

丹徒縣志

序

三

光緒五年歲次己卯閏三月

欽命護理江蘇巡撫江蘇布政使司布政

使勒方錡撰

重修丹徒縣志序

丹徒舊志修於嘉慶八年其時  
民安物阜海波不驚視今之丹  
徒固有間矣巡道備兵京口以  
揚由關故常駐維揚歲僅一二  
至焉自咸豐十一年通商以柔

丹徒縣志

序

一

遠人設關稽徵濱江立租界中  
外萃處巡道遂移駐於是是固  
前之所不侔也道光咸豐同治  
間疊遭兵火殺身以成仁者指  
不勝屈臺榭而瓦礫者目不忍  
覩戰壘礮卡因時制宜陸營水

軍因地設險亦有前所不盡然者余於光緒元年承乏於此宋風問俗默計時局追想多艱幸際昇平固以脩志爲急務同治癸酉奉大吏檄飭縣舉行於是聘呂太史耀斗總其成擇邑之

紳耆分其任閱七年而告成於前之所不侔與不盡然者固已幽光無不發而建制無不備矣至於便民河之復濬北固山之築隄余與守若令共成之將以告後之來者使無廢也 先大

夫手書鶴銘一冊刊石焦山亦登之竊欲藉是不朽耳刊既成守令以序請於是乎書

光緒五年十月吉旦分巡常鎮通海兵備道大興沈敦蘭序

重脩丹徒縣志序

鎮江形勢扼要爲東南之鎖鑰  
余以辛未之夏來守是邦愛其  
山川風物之壯麗而邦之人亦  
安予之拙也嘗以郡志歷久未  
脩思欲探纂前記勒爲一書軫

丹徒縣志

一

材膚受未能爲也倚郭之縣曰  
丹徒衝繁倍他邑號稱緊望歲  
在癸酉仁和何君嘯賡攝縣事  
簿書之暇有志於邑乘禮聘才  
俊設局纂修歷更數令始見成  
緒會余奉調雲間 觀察大興

沈公與陽湖呂庭芷太史裁定  
之折衷至當爰登梨棗今歲己  
卯余重蒞鎮江剗剗適將竣邑  
紳徵序於余余方樂觀厥成雖  
不文又奚辭古者圖經上於天  
府故志以道一方之政事非可

丹徒縣志

二

苟焉已也丹徒志自嘉慶初重  
脩後迄今八十餘年其間建置  
之沿革制度之損益戶口之消  
長風俗之盛衰既有異於前况  
經兵燹之餘人事歧出而欲蒐  
羅補苴罔有遺失誠非易易是

書為目十為卷六十門分類別  
擇精語詳上足以備內外史之  
採擇下足以為長民者之所考  
鏡可不謂善志與覽是編也周  
知物土之宜因地因時次第布  
之以仰副

丹徒縣志

三

聖天子訓俗型方至意竊願與賢邑

宰共勉之也

光緒五年十月吉日知鎮江府

事趙佑宸序

康熙志序

聖天子廓清區宇集治重熙念一統志以經畫軍務未遑成  
書茲四方清晏文教誕宣宜亟事纂輯俾各貢俗陳詩  
得以周知民隱爰

下命郡若邑之未有成志者咸修輯以進臣天鍾 備員丹  
徒敢不對揚

休命謹考徒邑舊乘自故明崇禎初修輯後仍沿至今世  
湮年遠字蠹魚剝落不可復辨先代典故既難稽核而  
我

朝鼎新創制數十年來山川由變而定規制由廢而興戶口  
由耗而登賦役由惰而理人才政績由衰而盛倘蒐討

丹徒縣志序  
未盡考核未精其何以仰副我

皇上徵文考獻至意臣因博採舊聞廣稽新典辟咄諸鄉

紳賢士大夫咨諏耆民故老分類舉搜俾無遺闕聘延  
邑名儒何生程生加意考訂抒寫翰藻閱兩月

纂輯成志竊見京口為海江門戶北接淮濟達

咽喉命脈誠天下重地車馬絡繹冠蓋輝聯邑是土者  
供役奔走碌碌同牛馬即欲偷寸晷為徵輸計不可得

又何暇濡豪摘翰宜乎邑志數十年勿修也今天下大  
定師行簡少芻秣供給得稍偃息而孔道驅馳亘古不

改且旗兵重鎮修築時有加以類歲災稔歷年連賦衣

食計艱易滋究竊司牧者惟科撫字均無所展其才力  
徒令之苦實冠江南諸邑臣自視事來固無日不望謹  
責之至也維念臣既膺爵祿何敢畏難辟強苟自容免  
以負

國負民思徒包所最患者莫如兵車往來驛遞供應橫索

之無藝惟按額支給不敢累擾窮黎以容悅豪強至若  
久駐兵廝多比伍士著奸猾害我良民邇來亦稍自戢  
翼更思窮民疲困率由賦役不均先請禁自運圖甲使  
無所規避然大不利於勢豪巨室區抽過清催輸過嚴  
則諱諛日滋願臣清夜伏思使果有利於

國有利於民雖身就鼎鑊尚不違恤區區一官何足顧戀

丹徒縣志

序

二

惟是分年緩徵未獲舉行丹江浮賦未獲即除耿耿私  
懷日夜靡釋且徒民最苦者每歲濬河一事年寒力役  
胼胝碎裂胥里孳突婦子無甯而歲費資錢數萬千又  
其餘者然大抵皆歷來有司奉行故事民力雖耗無補  
涓埃臣欲悉從釐剔兼請協濟爲計永逸而才力勿勝  
徒屢中懷至於風俗未醇獄訟請張城社狐鼠時時見  
告教化不行實維職愆臣統計臣荷罪徒邑僅歷三時而  
勢豪怨焉胥隸怨焉城關之子矜怨焉駐鎮之兵將怨  
焉以至行道之冠蓋戍還之征人亦咸怨焉其有一二  
事稍稍爲閭閻小民所觀望禱祝者而又徒託之空言  
不克見諸行事翻閱志乘中所載循臣良吏業著當時

而登施迄今彼獨異人任乎而克自奮厲若此用誌簡  
端以俟觀風問俗知我而罪之者皆  
康熙癸亥九月吉旦江南鎮江府丹徒縣知縣臣鮑天  
鍾謹序

丹徒縣志

序

三

Blank space for the third preface section.

嘉慶志序

郡邑之有專志著自北宋其前靡聞吳郡圖經續記而後若陳壽老赤城志袁伯長四明志康德涵武功志韓汝慶羽邑志皆以一邦之耆舊探羣籍之纂記身兼文獻義恭桑梓用能詳覈謹嚴比隆史家垂為軌式今丹徒縣志條理精審不失古法毋亦由秉筆者為其邑之士大夫且歷三十年之久而成故善而可信歟然范致能吳人也撰吳郡志郡人冀願勝茂周南贊成之時有求附於籍不得者相與騰謗謂書不出范手遂廢不萊行夫以鴻文宿望如致能諸公而不免為鄉人所疑議則甚矣作志之難而是志之成為可幸也今年春余奉丹徒縣志序

恩命總制兩江將廉諸府縣修輯舊志以備職方氏之掌太

史之陳是志既成余因而覽焉丹徒在古為重鎮或以封國或以置帥偏安之代或於是建都或僑置北府今率土一家

聖澤濡洽在德不在險然山川峻深險喉南戒親軍戍守鏢

鎗北戶於兩江究為巖邑則夫漕賦之輸運商貨之輻輳與夫風俗之良莠吏治之善敗戶口之豐耗學校之興替物產之饒乏渠堤驛堠之修廢名區勝蹟靈境之存湮古所以失今所以得者皆守令所宜周悉大吏所宜考鏡而區畫者也然則是志雖成於其邑之士大夫而實在官司者其敢或忽夫郡邑之著在於人文人文

之盛由於教化教化之職則良有司及其鄉先生任之

余於是願與守土之官董率於上著籍之賢薰誘於下且因是志而講明施設申畫慎固補其偏失而舉其廢墜以勸人倫勵民俗揚地德制物宜是一邑之志實裨一邑之政願一邑之人鄰疆遠域亦有所觀感有所則倣焉是士大夫真有大造於其鄉官是邦者亦無忝於其職也將是志之所謂善而可信者又豈徒備一方之職志資後來之采覽云爾哉志凡四十七卷冠以宸翰次分十門列目六十附目五守令請序而彙之於是乎

書

嘉慶十年乙丑冬月

丹徒縣志序

太子少保兵部尚書都察院右都御史總督兩江梅芬鐵保序

嘉慶志序

郡邑之有志猶

國之有史也職司者當事無弗備備無弗嚴凡土地賦役水利兵農諸大務有裨於實濟者固為首急他如丁男戶口系民生之盛衰學校科名關文運之升降忠孝節烈則知為善者勸惡者懲風俗吏治則知其政之舉化之行其餘特附見耳雖書不勝書一有闕畧即無以備朝廷採風經野之資夫豈細事也哉所以必掌之於守令訂之於院司非一人之私言也吾徒邑邑志之不修百二十餘年矣文獻將湮沒無徵邑之士大夫深悼之乾隆丙戌歲乃請於邑宰貴公並公舉蔣中翰宗海秉其

丹徒縣志序

筆修廢起墜考核舊志而詳加釐正焉銘等亦得與於勤贊之舉於是蔣公白於邑宰曰聞昔修志之例每延他處士君子主之邑之人不與焉別嫌疑絕請託也是舉也某得躬逢斯盛敢不竭其誠將何以別嫌疑絕請託乎失勢者則見其請託不行必怨怨則流言佈有力者則見其請託不行必怒怒則銜恨深躍台反側其勢不撓至於無成而不已雖自許比潔秋霜又誰予之信也邑宰曰諾於是擇日集閭邑紳耆於明倫堂矢慎矢公為文禱於

上蒼俾得神人其明此心也迨銘於乾隆庚寅歲領鄉薦後宦遊四方二十餘年乙卯歲以終養歸里適蔣公捐館

詢所修志其嗣君以未成對余乃慨然欲終初志竊計才力疎陋一難也工費浩繁二難也二難并余甚憂之幸鄒君光國勸事不倦復慷慨捐修費以抒予憂而又幸王太守文治張太守明謙張君崑俱在籍共匡其不逮相與旁蒐博采訂譌補闕始得詮次成帙雖不敢謂不漏不支有典有則亦可謬云意簡而該言純不雜矣後之人倘按籍而求山川風物勝迹人文瞭然猶示諸掌也且立言以昭垂來者所賴酌古始可以準今信今始得以傳後兢兢焉惕焉庶幾得與史乘國典相為映發可也銘備員太史用敢宣揚

聖朝之休烈豈特維桑與梓必恭敬止而已哉今書已成俟

丹徒縣志序

詳請院司以付剞劂此又守令之責銘不敢聞第前後秉筆皆係鄉人而有昧於蔣公之言謹述其顛末以代序  
嘉慶八年歲次癸亥八月邑人茅元銘謹

嘉慶志後序

癸亥之春予嘗丹徒篆既蒞事檢閱舊志為康熙癸亥前令鮑公纂輯距今百二十年徒屬江南衝要名山大川前輩流風昭然史冊其功紀太常文勒鐘鼎代有其人地邑民居世有沿革不有臆舊章修而明之者缺典也既而紳士以未刻續修縣志進且語余曰此鄉前輩蔣春農先生所輯其法以康熙甲子至乾隆六十年乙卯為斷屬辭比事有條不紊世風之興降人物之盛衰又折衷於宋元諸記載視舊志加詳焉未歲業而卒王夢樓侍讀張嘯坡太守續纂成之其經費出入則鄉之公正耆紳郝樸齋偕同志理之始終其間而志稿遂定

丹徒縣志

序

一

此新徒志之願末也望加之訂證以付剞劂於戲盛矣夫莫為之先雖美弗彰莫為之後雖盛不傳春農先生以博洽之學濡春秋之筆進退損益一秉至公詩曰維桑與梓必恭敬止其先生之謂歟真無愧於儒林矣夢樓先生暨嘯坡太守皆文苑之傑出亦物望所共推服者也惟是鮑前令序為康熙癸亥事隔百二十年而新志之成予適承乏此邑遙遙相望若合符節雖鮑序之所謂疲於奔走困於供頓繁於獄訟者今變而加厲所不恤也他日名賢繼起徵文考獻不歸墨吏此則予可自信并可信繼春農先生而秉筆者也爰質言之以書於後

嘉慶九年歲次甲子春二月知丹徒縣事南昌萬承紀

丹徒縣志

序

二



貢

生張炳炎

生錢葆森

員李濬昌

員李贊猷

員吳述彬

生包祖同

人茅同晉

員趙鍾銓

員奎照

員柳泉

事李遐祥

三

丹徒縣志

姓氏

六品銜分省補用鹽知事

稽核檔案

識石湖

識王永隆

書

書

康熙二十二年重修丹徒縣志姓氏

纂修 知縣鮑天鍾

校閱 教諭余潛飛

參訂 在籍官紳張九徵

在籍官紳卞士宏

撰輯 生員何絮

訓導張機

在籍官紳笪重光

在籍官紳張仕可

監生程世英

丹徒縣志

姓氏

嘉慶八年重修丹徒縣志姓氏

總纂 知縣黃中孚

監修 教諭胡日琇

訓導孫露

纂修 內閣中書蔣宗海

雲南臨安 王文治

布政司理問張銓

協修 江西龍泉 張廷詠

安徽海州 曾銓

安徽海州 馮錫宸

舉人韓璟

丹徒縣志 姓氏

武舉 鮑文達

校閱 舉人蕭文英

生員楊哲人

生員何菁

童生陳星

生員張深

知縣萬承紀

教諭顧整

訓導張大中

少詹事 茅元銘

江西吉安 張明謙

震澤縣訓導孫焯

浙江奉化 胡培

候選教諭劉植

舉人韓芬

生員郭恆

舉人王濤

生員張秉鈞

生員蔣穩

布政司理問嚴士榜

生員鄒錫純

丹徒縣志凡例

嘉慶志云丹徒古稱名地紀載甚多如南徐州記京  
口記丹徒書大觀祥符諸圖經俱不傳其後則潤州  
類集京口集續集潤州先賢傳者舊傳之類存者亦  
復寥寥郡志自宋元以來屢經修輯明承樂後諸刻  
尚有傳本至縣志則正德間知縣李東集舉人楊  
琬諸生潘浩毛文彙纂成書四卷楊文襄一情序之  
雖體裁謹嚴未免太簡崇禎七年知縣事張文光僅  
據舊板增入選舉題名餘如故

國朝康熙二十二年知縣事鮑天鍾與邑諸生何聚程世

英重修爲十卷卷帙較加繁富事蹟雖增未盡典雅

且引書不載書名無從核實今博考前聞重加釐定

缺者補之說者正之搜討之艱同於創始云云由今

考之其所定十志各門類中亦有遺漏說舛簡略之

處且事蹟截至乾隆六十年止自嘉慶以來八十餘

年續纂正復不易茲據其本而訂正增續之爰發凡

起例如左

一我

朝屢舉

巡方盛典

聖祖仁皇帝

高宗純皇帝

翠華所莅聯額詩章光昭萬世嘉慶志以  
哀翰冠於卷首今敬遵之

一江南通志大目凡十曰輿地曰河渠曰食貨曰學  
校曰武備曰職官曰選舉曰人物曰藝文曰雜類  
每志又各係以子目嘉慶志因之惟並河渠於山  
水而分驛傳自為一志今案會典驛傳隸於兵部  
例應並入武備河渠則漕運所關且與大江之發  
源注海者迥異是不如一從通志為得至於子目  
不必盡同亦因地因時而為之耳  
一輿地建置沿革嘉慶志酌載盡善今仍之星野增  
入天度疆域增入道里皆憑實考

丹徒縣志 凡例

二

一封建舊入輿地考歷代各史皆無此例今改為封  
爵移入職官志之前庶合史例  
一山水舊合為一今分三類山為一類凡嶺洞石岡  
屬於山者皆係之其在山之道院僧庵俱歸寺觀  
附山之樓臺亭閣俱歸宮室川為一類凡屬大江  
沙洲等類皆係之河渠依通志例別為一志凡各  
水利皆係之  
一風俗一門附入歲時農諺蓋古者歲時有記農諺  
多入經傳注疏弗可畧也  
一城隍自古迄今代有興廢今詳加考厥遠者紀其  
原委近者記其繕修均用丈尺於下亦效前賢成

法非好新也

一解舍即舊志公署今昔建置不同俱應詳於其下  
橋梁之名改為關津凡關渡岡堰遠邇各橋皆入  
其內坊表亦有增益  
一古蹟一門皆細加考訂附以金石考較前為詳  
一陵墓一門補其所遺增其未備其墓志神道碑文  
舊志例不登載然有古人傳世之作豈容湮沒今  
擇其尤錄於其人墓下以傳不朽  
一壇壝廟祠寺觀宮室諸門今無所增但多寢廢乃  
依舊志或詳遷改或考廢興各係於下其近日有  
沐

丹徒縣志 凡例

三

聖恩勅立專祠者敬謹登之以俟興建  
一食貨各目大關國計民生而蠲租賑粟仰沐  
聖恩之歲尤宜謹誌舊志以郵政列於田賦之先允稱敬恪  
今雖而書之閒有兵燹後官楮難稽者標於其下  
以昭核實其戶口田賦徭役倉儲鹽政漕運鹽法  
八十年來各有變易皆詳稽冊照錄無訛  
一物產一門康熙志採至五百餘種嘉慶志僅存三  
十五種云是徒邑專產今詳其所錄亦不過引證  
一書一詩以歸美徒邑而已夫物類雖多各邑所  
同產然皆備志專產則其共產者當入何志是無  
怪乎黍稷稻粱亦滋後人之紛辨也况吾邑所產